

Larunbat gaueko autobusen ordutegiak



Beraun-Donostia

Beraundik	23:00-06:00 orduero
Donostiatik	23:30-05:30 orduero

Hernani-Donostia

Hernanitik	23:00-06:00 orduero
Donostiatik	23:30-05:30 orduero

Andoain-Donostia

Andoaindik	23:00, 0:00, 0:30, 2:00, 2:30, 4:30, 6:00, 6:30
Donostiatik	22:45, 00:00-07:00 orduero

Irun-Hondarribia

Irundik	23:00-05:00 orduero
Hondarribiatik	23:30-05:30 orduero

Eibar-Eskoriatza

Eibartik	00:00-06:00 ordu t'erdiero
Eskoriatzatik	00:00-06:00 ordu t'erdiero

Urnieta-Hernani-Donostia

Urnietatik	23:00-06:00 orduero
Donostiatik	23:30-06:30 orduero

Oiartzun-Donostia

Oiartzundik	00:30-04:30 bi orduero
Donostiatik	00:00-06:00 bi orduero

Pasai Donibane-Donostia

Pasai Donibanetik	23:30-05:30 bi orduero
Donostiatik	23:00-05:00 bi orduero

Pasai San Pedro-Donostia

Pasai San Pedrotik	23:00-06:00 orduero
Donostiatik	23:15-06:15 orduero

Tolosa-Donostia

Tolosatik	22:45, 23:45-05:45 bi orduero
Donostiatik	22:45, 01:00-07:00 bi orduero

Lasarte-Donostia

Lasartetik	23:10-06:40 ordu erdiero
Donostiatik	23:30-07:00 ordu erdiero

Eibar-Mutriku

Eibartik	00:30-06:30 bi orduero
Mutrikutik	23:30-05:30 bi orduero

Zumarraga-Oñati-Arrasate

Zumarragatik	00:00, 02:30, 05:00
Arrasatetik	01:15, 03:45, 06:15

J. APEZTEGIA

ISTRIPUAK

Azkenaldian alkoholaren eraginez asteburuetan gertatzen diren auto istripuen kopuruak nabarmen egin du gora

tzuak dituzte; Lapurdin, Nafarroa Beherean eta Zuberoan hori ere ez.

Gauzak horrela, Bilbo da, hiri barruko zerbitzuez gain, beste herriein lotzen duten zerbitzuak dituen hiriburu bakarra. Hori Bilboko Metroari esker da. Izan ere, ia metroa martxan ja-

rri zenetik dago abian larunbat gaueko metro zerbitzua; eta ostiraletan ere metroa berandua-go arte ibiltzen da. Metroak, baina, Bizkaiko probintziako zati txiki bat baino ez du hartzen: Bilbo eta Plentzia artekoa. Hala, Bizkaian herri handi asko gelditzen dira larunbat gauetan elkar lotzeko.

Egun dagoen eskaintza ikusita, eta Gipuzkoako emaitzak ikusteko baldin badaude ere, herrietako gautxoriek eskertuko dute eskaintza. Gipuzkoan, auto istripuen kopurua eta alkoholemia kontroletako positiboak zenbat jaisten diren —edo jaisten ez diren— ikusi beharko da orain.

GIPUZKOA

EUSKOTREN KOSTALDEAN. Foru Aldundia-ren plangintza indarrean sartu aurretik ere, Euskotrenek eskaintzen zuen tren zerbitzua larunbat gauetan. Hala, Donostia eta Zumaia artean eta Donostia eta Hendaia artean bi ordura ibiltzen dira trenak urte osoan.

DONOSTIAN 3:00AK ARTE. Donostiako hiri barruko autobusak goizeko 3:00ak arte ibiltzen dira larunbat gauetan, tabernak ixteko ordua arte. Autobus horiek hirigunea eta auzoak elkartzen dituzte.

LAPURDI, ZUBEROA, NAFARROA BEHEREA

AUTOBUSAK SOILIK 20:00AK ARTE. Iparraldeko hiru probintzietan ez dago gaueko zerbitzu berezirik. Baionan jaietan jarri izan dituzte gaueko autobusak.

EUSKARA. Hezkuntza Ministerioaren arauak bete behar ditu



BOB EDME

Pantzo Aritzordoki, Jaki Agerre, Gillermo Etxebarria eta Manex Goienetxe lizeoko zuzendaria.

Seaskako kideek 'Jauzi bat euskararen alde' kanpaina aurkeztu dute

'Jauziak' salduko dituzte Baionako Bernat Etxepare lizeoaren gabeziei buru egiteko

Aitor Renteria | BAIONA

Pantzo Aritzordoki biologia irakasleak, Jaki Agerre Administrazio Kontseiluko kideak, Gillermo Etxebarria euskara irakasleak eta Manex Goienetxe Bernat Etxepare Lizeoko zuzendariak *Jauzi bat euskararen alde* kanpaina aurkeztu zuten atzo, Baionan. Kanpaina hau Baionako lizeo horren alde abiatu da, eta Seaska zein Ikastolen Elkartearen sostengua jasotzen du.

Etxepare Lizeoak hiru sail nagusitan pairatzen dituen arazoei aterabidea eskaintzea da kanpaina honen xedea. Liburutegia, fisika-kimikako laborategiak eta informatika sarea osatzea dira hiru alor horiek, Lizeoko zuzendariak adierazi zuenez. «Haur ttipi baten gisakoak gara», gaineratu zuen Goienetxek. «Hazi ahala arropak ttipi gelditzen diren bezala, gure ahalak ez-deusak bihurtzen dira ditugun beharrei ihardesteko: gaur jaigai da biharko lizeoa, eta jadanik egungo beharrak ezin ditugu asetu», zioen Goienetxek.

Sail bakoitzeko zenbatu di-

tuzten gutxieneko beharrak ondokoak dira: 280.000 libera (7 milioi pezeta) fisika eta kimika laborategia doitzeko; 120.000 libera (3 milioi pezeta) liburutegia hornitzeko, eta, azkenik, 100.000 libera (2,5 milioi pezeta) informatika sarea osatzeko.

Estatuaren Boletín Ofizialak argi zehazten du zein diren aurtengo azterketak gainditzeko edukiak. «Gu orain artekoekin doi-doiaren moldatzen ginen», adierazi zuen Aritzordokik. «Hezkuntza Ministerioak dio Baxoa ukaiteko laborategian gazte bakoitzak mikroskopio bat behar duela, guk 11 ikasle ditugu eta 5 mikroskopio. Gainera ez dira egokiak, polarizatuak behar dira, eta gureak ez dira horrelakoak», gaineratu zuen Aritzordokik. Ikasleek ezin dute esperimenez egin, Ba-

xoko alde praktikoa ezin dute bete, eta horrela segituz ezin go dira azterketara aurkeztu.

Heldu den urteari begira, 18 ikasle izanen dira azken kurtsoan, eta «ezin ditugu horrela igorri» adierazi du Jaki Agerrek, Administrazio Kontseiluaren eta gurasoen izenean. Etxebarriak liburutegia eta informatika sarea osatzeko beharrak azpimarratu zituen.

Jauzi baterostea

Egoera honi buru egiteko, *Jauzi bat euskararen alde* kanpaina martxan ezarri dute Lizeo beretik. *Jauzi* edo bono bakoitza 10 eurotan salduko da. Gaurtik hasita, urtarila arte hainbat ekitaldi aitzinikusi dituzte. «Kanpaina nazionala izanen bada ere, trinkoagoa izanen da Ipar Euskal Herrian, gurasoendako aiseagoa baita hemen egitea. Baina urtarilean kantaldi handi baten egiteko xedea dugu Hego Euskal Herrian», adierazi zuen Etxebarriak.

BIRKENSTOCK®

Alemanian eginak • Tradizioa 1774tik

Eskatu doako eskupaper bat

902.10.37.18

